

Xi³ ti¹tjon² xon⁴xi³ pa²stro⁴Pedro qui³squi³-le⁴nca³ts⁷i³

Pedro si¹ti²nta³

¹ An³ nia¹³ Pedro pa²stro⁴-le⁴ Jesucristo. Ti²cji³-no³ nca³ts⁷io³ xi³ cho⁴ta⁴xin²na³nquo³, xi³ ts⁷a³tji³vi¹son²³ nte³-ve⁴ ya⁴ Ponto, ya⁴ Galacia, ya⁴ Capadocia, ya⁴ Asia, ya⁴ Bitinia. ² Qui³tjoe¹jion³ jo³-s⁷in² nca³ to⁴nqui³-ni³ tsa³ve³-le⁴con³ Ni³na¹ N⁷ai³-na¹. Je² Espíritu Santo qui³si³tsje³-no³, jme¹-ni³ nca³ si⁴tjo³son²-si¹ni³lao⁴³ Jesucristo, c⁷oa⁴ jme¹-ni³ nca³ s⁷e⁴tsao³jon³-si¹ni³no³ cao⁴ njin¹-le⁴ Jesucristo. Ca²ta³s⁷e³sa³no³ cjoa⁴nta³, ca²ta³njen³nch⁷an¹j³in³-sa³ ni⁴ma⁴-no³.

Ti³cho³ya²-le⁴² xi³ ti¹jna³con³

³ Jo¹ to⁴nta³-le⁴ Ni³na¹ N⁷ai³-le⁴ Jesucristo Nai³-na¹, xi³ c⁷oa⁴-s⁷in² to⁴tse³ cjoa⁴ma⁴ta³con² tj³in¹-le⁴ nca³ qui³si³cho⁴tse⁴ya³-nca¹ni³na¹, jme¹-ni³ nca³ cho¹ya²-si¹ni³le⁴² xi³ ti¹jna³con³ nca³ ja³a²ya³j³in³-ni³le⁴ c⁷en³ Jesucristo. ⁴ Coi³ c⁷oa⁴-s⁷in² c⁷oi⁴cjoa⁴tjao²-no³ xi³ ni⁴c⁷ia³-j³in² cjo⁴itson¹ya³-ni³, xi³ ni⁴c⁷ia³-j³in² coan⁴jnti¹-ni³, ni⁴xi²ntso¹-j³in², xi³ ti¹jna³tjao²-no³ ya⁴ nc⁷a³jmi³. ⁵ Je² nca³n⁷ion¹-le⁴ Ni³na¹ si¹coi²nta⁴-no³ nca³ ma³cjain¹-no³ sa³nta³ s⁷e⁴-no³ je² cjoa⁴vi³tjo³ntjai² xi³ ti¹jna³nta³, xi³ coan⁴tsen³ c⁷ia⁴ ni⁴čhjin³ xi³ cjoe⁴t⁷a³. ⁶ Coi³ xi³ jon² cji³ma³tsjoa³-no³, nta³ tsa² jnco³jao²

ni⁴chjin³ ma³chjen¹ nca³ ti³chja³ao²³ cjoa⁴ñ[?]ain³ xi³ cja⁴ai¹nca¹ tjin¹. 7 C[?]oa⁴-s[?]in² ti¹cho²t[?]a³ xi³ ma³cjain¹-no³, jme¹-ni³ nca³ nta³ tjo¹sje³-ni³, tjo¹sje³je³ya³-ni³, jcha⁴xcon¹-ni³le⁴ c[?]ia⁴ nca³ coan⁴tsen³ Jesucristo. Je² xi³ ma³cjain¹-no³ nqui²sa⁴ to⁴nta³ chji¹-le⁴ cao⁴-ni³ tsa² taon⁴si³ne² xi³ fi³tson³, nta³ tsa² cho²t[?]a³-ni³ l[?]i¹. 8 A³li²coi³ tsa³yao³ Jesucristo, to⁴nca³ tjao²cha³-nio¹³. Ma³cjain¹-no³ xi³ t[?]a³ts[?]e⁴ nca³ je², nta³ tsa² tsi² ti³yao³ nt[?]ai⁴-vi⁴. Cji³ma³tsjoa³-no³ cao⁴ jnco³ cjoa⁴tsjoa³ xi³ ni⁴ya³-jin² xi³ ve³, xi³ n[?]ion¹ tjin¹-le⁴ cjoa⁴je³ya³. 9 Coi³ nca³ ma³cjain¹-no³ s[?]e⁴-no³ cjoa⁴vi³tjo³ntjai² t[?]a³ts[?]e⁴ ni⁴ma⁴-no³. 10 Je² cho⁴ta⁴ xi³ qui³nchja⁴ya³ t[?]a³ts[?]e⁴ Ni³na¹ tsa³ca¹ya³con³ je² cjoa⁴nta³ xi³ cjoa⁴ai¹-no³ nca³ jon². N[?]ion¹ qui³tsi²na³nqui³ya² je² cho⁴ta⁴, n[?]ion¹ tsa³ca¹sjai³ jo³-s[?]in² vi²tjo⁴ntjai²-nia¹. 11 Tsa³ca¹sjai³j[?]in³ j[?]na¹-le⁴ ni⁴chjin³-ni³, c[?]oa⁴ jo¹ coan⁴-ni³ xi³ qui³tso²-le⁴ je² Espíritu-le⁴ Cristo xi³ tsa³c[?]e²jna³j[?]in³ ni⁴ma⁴-le⁴, c[?]ia⁴ nca³ to⁴nqui³-ni³ tsa³ca¹ya³con³ cjoa⁴ñ[?]ain³ xi³ cjoa⁴ai¹-le⁴ Cristo, c[?]oa⁴ cjoa⁴je³ya³-le⁴ xi³ coan⁴scan³-ni³ s[?]e⁴-le⁴. 12 Qui³ni²cho⁴ya³-le⁴ cho⁴ta⁴-ve⁴ nca³ li² ti⁴t[?]a³ts[?]e⁴-jin²ni³, to⁴nca³ t[?]a³tsan⁴² qui³si³xa¹cao⁴ je² cjoa⁴ xi³ qui³no²cjoa⁴ya³j[?]in³-no³ nt[?]ai⁴-vi⁴. Je² cho⁴ta⁴ xi³ qui³nchja⁴ya³j[?]in³-no³ je² en¹nta³ xi³ t[?]a³ts[?]e⁴ Cristo c[?]oa⁴qui³s[?]in³ xi³ to⁴t[?]a³ts[?]e⁴ je² Espíritu Santo xi³ qui³ni²ca³sen¹-ni³ nc[?]a³jmi³. Je² a²ncje⁴ me³-le⁴ scoe⁴ je² cjoa⁴-ve⁴.

Tsje³ coan⁴nquin¹coa⁴²yao³-na¹

13 Coi³ cjoa⁴-vi⁴ ti⁴ca³tio¹ntao³ cjoa⁴fa³ai³tsjen³-no³, to⁴jvi³ ti⁴yo³, ña³qui³ nta³ cho¹ya³-lao⁴³ je² cjoa⁴nta³ xi³ cjoa⁴ai¹-no³ c⁷ia⁴ nca³ coan⁴tsen³-no³ Jesucristo. 14 Jo³-ni³ ʔnti¹xti³nt⁷e¹ li² ni²tjo³son²-jin²lao⁴³ cjoa⁴chi⁴nca⁴-no³ jo³-ni³ nca³s⁷a⁴, c⁷ia⁴ nca³ tjio¹njon²-sa³ cjoa⁴fa³-ʔai³tsjen³-no³. 15 Jo³-s⁷in² nca³ tsje³ cjoan³ je² xi³ qui³nchja⁴-no³, c⁷oa⁴-ti⁴ jon² tsje³ ca²ta³mao³ jo³-s⁷in² ma³nquin¹cao⁴³ yao³-no³. 16 C⁷oa⁴-s⁷in² tji¹t⁷a³ xon⁴: Tsje³ ca²ta³mao³ nca³ jon², nca⁴ tsje³ nia¹³ nca³ an³. 17 Tsa² N⁷ai³ c⁷oin¹-lao⁴³ je² xi³ to⁴nco¹son² fi²cao⁴ nca³ts⁷i³ cho⁴ta⁴, nca³ v⁷e¹nta³jin³ jo³ s⁷in¹ xa¹-le⁴ nca³ jnco¹jnco¹, jcha⁴xcon¹³ Ni³na¹. C⁷oa⁴-s⁷in² ti⁴yo³cao⁴³ yao³-no³ jo³ tjin¹ ni⁴čhjin³ ti³ma³son²³ son³⁷nte³. 18 Je³⁷yao³ nca³ coan³chji¹ntjao²³ jo³-s⁷in² nca³ ch⁷ao³ tsa³qui³yo³, xi³ c⁷oa⁴-s⁷in² qui³s⁷e³-no³ jo³-ni³ tsa² cjoa⁴tjao²-le⁴ xi³jcha¹-no³. Li² tsa² coan³chji¹ntjai²-jion²³ cao⁴ tso³jmi² xi³ fi³tson³, ni⁴ cao⁴ taon⁴si³ne²-jin², ni⁴ cao⁴ taon⁴čho³-jin², 19 to⁴nca³ coan³chji¹ntjao²³ cao⁴ je² njin¹-le⁴ Cristo xi³ n⁷ion¹ chji¹-le⁴, xi³ jo³-ni³ tsa² ts⁷e⁴ ʔnti¹va³re² xi³ tsi² jña³ ch⁷ao³ cji³-le⁴ xi³ ña³qui³ tsje³. 20 Cristo c⁷oa⁴-s⁷in² to⁴nqui³-ni³ qui³sa³sen³nta³ jo³ sa³⁷nta³ nca³s⁷a⁴, nca³ cje³ s⁷e³nta³-jin² son³⁷nte³, to⁴nca³ je³coan³tsen³ je² ni⁴čhjin³fe³t⁷a³-vi⁴ xi³ t⁷a³tsaon⁴³. 21 Xi³ to⁴t⁷a³ts⁷e⁴ Cristo ma³cjain¹-no³ xi³ t⁷a³ts⁷e⁴ Ni³na¹, je² xi³ qui³si³cja³⁷a¹ya³jin-ni³le⁴ c⁷en³, c⁷oa⁴-ti⁴ je² xi³ qui³tsjoa³-le⁴ cjoa⁴je³ya³. Coi³ cjoa⁴-vi⁴ nca³ c⁷oa⁴-s⁷in² ma³cjain¹-no³, c⁷oa⁴ cho¹ya³-lao⁴³ t⁷a³ts⁷e⁴ Ni³na¹. 22 Qui³ni²tsjao³ ni⁴ma⁴-no³ nca³ qui³ni²tjo³son²-lao⁴³ xi³ cjoa⁴qui²xi⁴

xi³ to⁴t⁷a³ts⁷e⁴ je² Espíritu Santo, nca³ ña³qui³
 cjoa⁴qui²xi⁴ ma³tsjoa³chao³ nts⁷ao³. N⁷ion¹ nta³
 ca²ta³ma³tsjoa³chao³ xi²nquio⁴3 cao⁴ ni⁴ma⁴-no³ xi³
 tsje³ tjin¹. ²³ Qui³tsin³ nqui²jnc³c⁷ao²³, a³li² ts⁷e⁴
 ntje⁴ xi³ fi³tson³-jin², to⁴nca³ ts⁷e⁴ xi³ tsa² fi³tson³,
 xi³ to⁴t⁷a³ts⁷e⁴ en¹-le⁴ Ni³na¹ xi³ ti¹jna³con³, c⁷oa⁴
 xi³ c⁷oe¹jna³ntsjai². ²⁴ Nca³ts⁷i³ cho⁴ta⁴ nco³ya³-le⁴
 tsa² xca⁴, c⁷oa⁴ je² cjoa⁴je³ya³-le⁴ cho⁴ta⁴son³nte³
 nco³ya³-le⁴ tsa² na³xo¹-le⁴ xca⁴. Xi² xca⁴-ve⁴, c⁷oa⁴
 na³xo¹-le⁴ tsa³. ²⁵ To⁴nca³ je² en¹-le⁴ Nai³-na¹
 ña³qui³ ti¹jna³ nca³ntsjai². Je² en¹-vi⁴ je² en¹nta³ xi³
 t⁷a³ts⁷e⁴ Cristo xi³ qui³no²cjoa⁴ya³j³in³-no³.

2

¹ T⁷e²jnao³-⁷ni³ nca³yi³je³ cjoa⁴ts⁷en⁴, cao⁴
 nca³yi³je³ cjoa⁴ch⁷a²na⁴cha⁴, cao⁴ cjoa⁴jao²ncjain¹,
 cao⁴ cjoa⁴xin²ta³con², cao⁴ cjoa⁴xin²ta³con², cao⁴
 nca³yi³je³ xi³ no²cjoa⁴aon³. ² Jo³-ni³ ⁷nti¹le³ xi³
 s⁷a⁴ ca²tsin³, ca²ta³ma³me³-no³ je² nta¹chi³qui³ xi³
 t⁷a³ts⁷e⁴ ni⁴ma⁴-no³, xi³ ña³qui³ nta³, jme¹-ni³ nca³
 c⁷oa⁴-s⁷in² coan⁴jcha¹-si¹nio³ nca³ coi²tjo⁴ntjao²³.
³ Nca⁴ qui³cho²t⁷ao³ nca³ je² Nai³-na¹ tjin¹-le⁴
 cjoa⁴nta³.

Je² la⁴jao⁴ xi³ ti¹jna³con³

⁴ Ti⁴čhian³t⁷a³-lao⁴³ yao³-no³ Nai³-na¹, je² jo³-ni³
 la⁴jao⁴ xi³ ti¹jna³con³, xi³ cho⁴ta⁴ tsa³cja³a¹xin²,
 to⁴nca³ xi³ Ni³na¹ tsa³cja³a¹j³in³ nca³ n⁷ion¹
 chji¹-le⁴. ⁵ C⁷oa⁴-ti⁴ jon² jo³-ni³ tsa² la⁴jao⁴ xi³
 tjio¹con³ ca²ta³mao³, jnc³ ni³ya³ xi³ ts⁷e⁴ espíritu,
 c⁷oa⁴ ca²ta³mao³ na⁴mi³ xi³ tsje³ nca³ c⁷oai⁴t⁷a³-
 nio³ cjoa⁴tjao² xi³ ts⁷e⁴ espíritu, xi³ sa³sen¹-le⁴

Ni³na¹, to⁴t'a³ts'e⁴ Jesucristo. 6 Jo³-s'in² ti¹nchja⁴ xon⁴ Escritura: Coe⁴-ni³ ya⁴ Sión c'o³e³jna²³ xi³ lao⁴ti¹tjon² xi³ lao⁴xi⁴nqui⁴, xi³ n'ion¹ chji¹-le⁴. Coi³ la⁴jao⁴-ve⁴ Cristo ni¹. Je² xi³ coan⁴cjain¹-le⁴ xi³ t'a³ts'e⁴ li²coi³ coan⁴soa³-le⁴. 7 Cjai¹nca³ tjin¹-le⁴ cjoa⁴je³ya³ xi³ t'a³tsaon⁴³ xi³ ma³cjain¹-no³ xi³ t'a³ts'e⁴. Xi³ t'a³ts'e⁴ je² xi³ tsi² si¹tjo³son², je² jo³-ni³ la⁴jao⁴ xi³ chji⁴ne⁴xjao¹ tsa³cja³⁷a¹xin², to⁴nca³ coan³ la⁴jao⁴xi⁴nqui⁴, 8 c'oa⁴ la⁴jao⁴ xi³ sa⁴te¹nqui³, c'oa⁴ la⁴jao⁴nti¹ xi³ si¹jtj³-le⁴ je² xi³ sa³te¹nqui³ to⁴t'a³ts'e⁴ je² en¹-le⁴ Ni³na¹ nca⁴ ts'a³ntjai²cjoa⁴, nca³ c'oa⁴-s'in² tsa³c'ai²-ni³le⁴.

Je² na⁴xi⁴na³nta¹-le⁴ Ni³na¹

9 Jon² nio¹³ na⁴xi⁴na³nta¹ xi³ qui³tjo³jion³. Jon² nio¹³ na⁴mi³ xi³ nc'a³ xa¹-le⁴. Jon² nio¹³ na⁴xi⁴na³nta¹ xi³ tsje³, na⁴xi⁴na³nta¹ t'a³ts'e⁴ Ni³na¹, jme¹-ni³ nca³ coi⁴no²cjoa⁴ya³-nio³ cjoa⁴nta³ xi³ ts'e⁴ Ni³na¹ xi³ qui³nchja⁴-no³ jña³ nca³ i³sen³xcon¹, ji²tjo⁴³ jña³ nca³ njion². 10 Jon² nca³s'a⁴ a³li² na⁴xi⁴na³nta¹-jion²³, to⁴nca³ nt'ai⁴-vi⁴ Ni³na¹ no²cjoa⁴-nio³. Nca³s'a⁴ li²coi³ coan³ma⁴que³-no³ Ni³na¹, to⁴nca³ nt'ai⁴-vi⁴ je³coan³ma⁴que³-no³.

Nta³ coan⁴nquin¹coa⁴² yao³-na¹ jo³-ni³ tsa² je² xi³ si¹xa¹-le⁴ Ni³na¹

11 Jon² xi³ tsjoa³que⁴-no³, v'e³ts'o²³-no³ jo³-ni³ tsa² cho⁴ta⁴xin²na³nqui³ xi³ to⁴tjio¹tso³ma²son² son³⁷nte³, ta⁴te²chjoa²-lao⁴³ yao³-no³ cjoa⁴chi⁴nca⁴-le⁴ xi³ cjan¹cao⁴ ni⁴ma⁴-no³. 12 Nta³ ta³nquin¹cao⁴³ yao³-no³ ya⁴jjin³-le⁴ cho⁴ta⁴ xi³ li² judío-jin². Nta³ tsa² jo³-ni³ cho⁴ta⁴ts'en⁴ ve³con³-no³, c'ia⁴ tsa² scoe⁴ nca³ nta³ xa¹-no³, c'oa⁴sje³je³ya³

Ni³na¹ coi³ ni⁴čhjin³ nca³ Ni³na¹ cjoa⁴ai¹con³-le⁴. 13 Xi³ to⁴t⁷a³ts⁷e⁴ Ni³na¹ ti⁴tjo³son²-lao⁴³ nca³ts⁷i³ xi³ va³te¹xo³ma³-no³, tsa² cho⁴ta⁴ti¹tjon² ti⁴tjo³son²-lao⁴³ jo³-ni³ nca³jco⁴-le⁴ nca³yi³je³, 14 tsa² gobernador c⁷oa⁴-ti⁴ ti⁴tjo³son²-lao⁴³ jo³-ni³ tsa² xi³ Ni³na¹ qui³si³ca³sen¹ nca³jao⁴-le⁴, nca³ tsjoa¹-le⁴ cjoa⁴ñ⁷ain³ cho⁴ta⁴ts⁷en⁴, c⁷oa⁴ nca³ c⁷oa⁴sje³nta³ xi³ nta³ s⁷in¹. 15 Je²-vi⁴ xi³ me³-le⁴ Ni³na¹ nca³ nta³ n⁷iaon²³. C⁷oa⁴-s⁷in² c⁷oe¹chjoao²³ cjoa⁴njon²ta³con²-le⁴ cho⁴ta⁴ xi³ tsi²jme³ cjoa⁴fa³⁷ai³tsjen³ tjin¹-le⁴. 16 Jon² xi³ cho⁴ta⁴ntai¹ nio¹³. A³li² ni²chjen¹-jion²³ cjoa⁴ntai¹-no³ nca³ c⁷oe¹ma³ cjoa⁴ts⁷en⁴-no³, to⁴nca³ c⁷oa⁴t⁷iaon⁴³ jo³-ni³ tsa² je² xi³ si¹xa¹-le⁴ Ni³na¹. 17 Jcha⁴xcon¹³ nca³ts⁷i³. Ca²ta³ma³tsjoa³chao³nts⁷ao³. Ti⁴jcon¹chao³ Ni³na¹. Jcha⁴xcon¹³ cho⁴ta⁴ti¹tjon². 18 Cho⁴ntao³, jcha⁴xcon¹³ ti⁴tjo³son²-lao⁴³ nai³-no³. A³li² to⁴je²-jin² ni²tjo³son²-lao⁴³ xi³ nta³, xi³ ve³tjao²-no³. C⁷oa⁴-ti⁴ ti⁴tjo³son²-lao⁴³ je² xi³ cao⁴ cjoa⁴ts⁷en⁴ v⁷e¹xa¹-no³. 19 Je²-vi⁴ xi³ nta³ sa³sen¹-le⁴ Ni³na¹, tsa² jnco³ xi³ to⁴t⁷a³ts⁷e⁴ cjoa⁴fa³⁷ai³tsjen³-le⁴ nqui³xcon⁴ Ni³na¹, si¹cjain¹-le⁴ cjoa⁴ñ⁷ain³ xi³ tsi² tsa² va³quin²-le⁴. 20 Jme¹ chji¹-le⁴ tsa² jcho¹cjoa⁴-no³ c⁷ia⁴ nca³ ma³jtsin³-no³ nca³ vi³jncho³ je¹. To⁴nca³ tsa² jcho¹cjoa⁴-no³ c⁷ia⁴ nca³ v⁷ai²-no³ cjoa⁴ñ⁷ain³ nca³ nta³ n⁷iaon²³, je²-vi⁴ xi³ cjoa⁴qui²xi⁴ sa³sen¹-le⁴ Ni³na¹. 21 Coi³ cjoa⁴ qui³no²cjoa⁴-ni³no³. Je² Cristo c⁷oa⁴-ti⁴ tsa³cja³a¹ cjoa⁴ñ⁷ain³ xi³ t⁷a³tsan⁴². Tsa³c⁷e¹jna³cho⁴ya³-na¹ ntia⁴² xi³ ts⁷e⁴, jme¹-ni³ nca³ c⁷oa⁴-ti⁴ jon² coi⁴ma³-si¹nio³ jo³-s⁷in² tsa³c⁷a³mjen³ nca³ je¹.

22 Cristo li²coi³ tsa³jnqui³ je¹, ni⁴ qui³nchja⁴-jin² en¹ch⁷a²na⁴cha⁴. 23 C⁷ia⁴ nca³ qui³no²cjoa⁴7aon³-le⁴ ni⁴jo³-jin² qui³tso² nca³ je². C⁷ia⁴ nca³ tsa³cja³7a¹ cjoa⁴ñ⁷ain³ li²coi³ qui³scan³cao⁴, to⁴ya⁴ qui³sca³ni¹t⁷a³-le⁴ cjoa⁴ je² xi³ v⁷e¹nta³j³in³ cao⁴ cjoa⁴qui²xi⁴. 24 Je² soa³ tsa³c⁷a³ xi³ tsan⁴2 je¹, c⁷ia⁴ nca³ qui³tsjen³tjen⁴va³t⁷a³ cro² yao³-le⁴, jme¹-ni³ nca³ coi⁴yo³chon³-si¹nia³2 t⁷a³ts⁷e⁴ cjoa⁴qui²xi⁴, nca⁴ je³ti³yo³t⁷a³xin²-le⁴2 xi³ je¹ 7mi² jo³-ni³ tsa² c⁷en³. Coi³ nca³ qui³tsin²7aon³ nca³ je², coi³ coan³nta³-nio³. 25 Jon² nio¹³ jo³-ni³ va³rre² xi³ qui³cha³xcon³ntia⁴2-le⁴, to⁴nca³ nt⁷ai⁴-vi⁴ je³ji³n³choa³n³ch⁷oe²-nio³ nqui²ntia³ je² Pastor xi³ si¹coi²nta⁴ ni⁴ma⁴-no³.

3

Jo³-s⁷in² ma³chjen¹ nca³ fi²cao⁴ yao³-le⁴ xi³ ya¹nchjin¹, c⁷oa⁴ xi³ x⁷in⁴-le⁴

1 C⁷oa⁴-ti⁴s⁷in²ni³ jon² xi³ ya¹nchjon¹³, na³nqui³ ti⁴yo³-lao⁴³ x⁷in⁴-no³, jme¹-ni³ nca³ je² x⁷in⁴-no³ xi³ tsi² ma³cjain¹-le⁴ je² en¹-le⁴ Ni³na¹ coi⁴njen⁴t⁷a³-si¹ni³le⁴ Cristo, a³li² to⁴t⁷a³ts⁷e⁴ en¹-le⁴ ya¹nchjin¹-le⁴j³in², to⁴coi³ cjoa⁴ nca³ nta³ fi²cao⁴ yao³-le⁴ je² ya¹nchjin¹-le⁴. 2 Nca⁴ co³tsen³-no³ nca³ tsje³ ti³yo³cao⁴³ yao³-no³, nca³ vi³jcon³chao³. 3 A³li² to⁴son²nc⁷a³-le⁴j³in² nca³ nta³ sa³yo³-lao⁴³, nca³ jo³ nta³ v⁷e²n⁷ion¹³ ntsja⁴-no³, nca³ v⁷e²n⁷quo³ xi³ taon⁴si³ne², nca³ jo³ xcon¹ cjoan³ na³j³no³-no³, 4 to⁴nca³ ti⁴chjaon¹³ xi³ ti¹jna³⁷ma³ ja⁴j³in³ ni⁴ma⁴-na¹, xi³ tsi² tsa² fi³tson³ nca³ ts⁷e⁴ ni⁴ma⁴nt⁷e¹ xi³ to⁴jvi³. Je² xi³ nqui²sa⁴ tse³ chji¹-le⁴ nqui³xcon⁴ Ni³na¹. 5 Ni⁴chjin³ jchi¹nca³ je² ya¹nchjin¹ xi³

tsje³ tjo¹, xi³ qui³sco³ya²-le⁴ Ni³na¹, c⁷oa⁴-s⁷in² qui³si³chjen¹ ni⁴ma⁴nta³-le⁴, nca³ na³nqui³ tsa³ca³tio²-le⁴ x⁷in⁴-le⁴. 6 Jo³ qui³s⁷in³ Sara nca³ qui³si³tjo³son²-le⁴ Abraham, nca³ nai³-na⁴ qui³tso²-le⁴. Jon² nio¹³ ja⁴xti³ya¹nchjin¹-le⁴ Sara, tsa² nta³ n⁷iaon²³, tsa² tsi²jme³ xi³ ma³xcon¹-no³. 7 Jon², xi³ x⁷ion⁴³, c⁷oa⁴-ti⁴s⁷in² ti⁴yo³cao⁴³ ya¹nchjin¹-no³ jo³-s⁷in² nca³ nta³ ma³cho⁴ya³-no³. Jcha⁴cho⁴tao⁴³ ya¹nchjin¹-no³ jo³-ni³ tsa² jnco³ cho⁴tsin¹ xi³ nqui²sa⁴ čhjo³, nca⁴ to⁴jnco³ tjin¹-no³ cjoa⁴tjao² xi³ cjoa⁴vi³jna³chon³, jme¹-ni³ nca³ je² xi³ v⁷e²ts⁷oao³ li²coi³ sa⁴te¹chjoa²-si¹ni³.

Chja⁴⁷a²xian² xi³ ch⁷ao³ tjin¹, c⁷oa⁴s⁷ian⁴² xi³ nta³ tjin¹

8 Xi³ fe³t⁷a³-ni³, nca³ts⁷io³ to⁴jnco³ t⁷iaon⁴³ ni⁴ma⁴-no³, ti⁴jao²-ta³con²³, tjao²cha³ ca²ta³mao³ xi²nquio⁴³ jo³-ni³ tsa² nts⁷ao³, jcha⁴ma⁴ta³con²³ xi²nquio⁴³, i³nta³na³nqui³ cho⁴vao²³. 9 A³li² cjoa⁴ts⁷en⁴-jin² ni²nco¹son²cao⁴³ xi³ cjoa⁴ts⁷en⁴, a³li² cjoa⁴⁷aon³ta³con²-jin² ni²nco¹son²cao⁴³ xi³ cjoa⁴⁷aon³ta³con², to⁴sa³ nta³ ti⁴chi³con³t⁷aon³. Je³⁷yao³ nca³ coi³ qui³no²cjoa⁴-no³, jme¹-ni³ nca³ s⁷e⁴-si¹ni³no³ cjoa⁴ni²chi³con³t⁷ain³. 10 Je² xi³ me³-le⁴ tjao²que³ cjoa⁴vi³jna³chon³, xi³ me³-le⁴ scoe⁴ ni⁴čhjin³ xi³ nta³, ca²ta³v⁷e¹chjoa²-le⁴ ni⁴jen⁴ xi³ cjoa⁴ts⁷en⁴, je² čhjoa⁴ts⁷oa³ a³li² nchja⁴-jin² en¹ch⁷a²na⁴cha⁴. 11 Ca²ta³va³sen²xin²-le⁴ cjoa⁴ts⁷en⁴, nta³ ca²ta³s⁷in¹. Ca²ta³va¹sja³ cjoa⁴nch⁷an¹ta³con², c⁷oa⁴-s⁷in² ca²ta³fi²tjen⁴nqui³-le⁴. 12 Xcon⁴ Nai³-na¹ ya⁴ ti¹co³tsen³-le⁴ xi³

qui²xi⁴ v⁷e¹ma³, c⁷oa⁴ xo⁴ño³ ti¹nch⁷oe¹-le⁴ xi³
 v⁷e¹ts⁷oa³, to⁴nca³ ncjain¹ Nai³-na¹ ch⁷ao³ ti¹va³-
 le⁴ xi³ s⁷in¹ cjoa⁴ts⁷en⁴. 13 ⁷ya¹-ni³ xi³ coan⁴-le⁴
 si⁴²qui²⁷aon³-no³, tsa² jon² ma³nquin¹tjen⁴nqui³-
 lao⁴³ xi³ nta³ tjin¹. 14 C⁷oa⁴-ti⁴ tsa² cjoa⁴ñ⁷ain³
 chja³⁷ao²³ xi³ to⁴⁷a³ts⁷e⁴ xi³ nta³ n⁷iaon²³, jo¹
 to⁴nta³-no³. A³li² jcon³-jin²lao⁴³ nca³ je², a³li²
 c⁷oa⁴-jin² ma³-no³. 15 To⁴nca³ ja⁴j³in³ ni⁴ma⁴-no³
 jcha⁴xcon¹³ Ni³na¹ xi³ Nai³-na¹. Cao⁴ cjoa⁴nt⁷e¹
 cao⁴ cjoa⁴xcon¹ta³con² ti⁴yo³ntao³ nca³ntsjai²,
 nca³ coan⁴ coi⁴xon¹ya³-lao⁴³ nca³ jnco¹jnco¹ xi³
 sco¹na³nqui³ya³-no³ xi³ t⁷a³ts⁷e⁴ cjoa⁴ xi³ ti³cho³ya²-
 lao⁴³. 16 Ca²ta³s⁷e³-no³ cjoa⁴fa³⁷ai³tsjen³ xi³ nta³
 tjin¹, jme¹-ni³ nca³ coan⁴soa³-si¹ni³le⁴ je² xi³
 fa³je¹t⁷a³ t⁷a³tsaon⁴³ jo³-ni³ tsa² cho⁴ta⁴ts⁷aon⁴³,
 xi³ nchja⁴⁷aon³-no³ nca³ nta³ ti³ma³nquin¹cao⁴³
 yao³-no³ t⁷a³ts⁷e⁴ Cristo. 17 Tsa² c⁷oa⁴-s⁷in² me³-
 le⁴ Ni³na¹, to⁴sa³ nqui²sa⁴ nta³ tsa² chja³⁷ao²³
 cjoa⁴ñ⁷ain³ xi³ to⁴⁷a³ts⁷e⁴ xi³ nta³ n⁷iaon²³, cao⁴-ni³
 tsa² xi³ to⁴⁷a³ts⁷e⁴ xi³ ch⁷ao³ s⁷iaon⁴³. 18 C⁷oa⁴-ti⁴
 to⁴jnco³ c⁷a², ntia³ tsa³cja³⁷a¹n⁷ion¹ cjoa⁴ñ⁷ain³
 Cristo xi³ to⁴⁷a³ts⁷e⁴ cjoa⁴ts⁷en⁴. Je² xi³ tjin¹-le⁴
 cjoa⁴qui²xi⁴ tsa³cja³⁷a¹ cjoa⁴ñ⁷ain³ xi³ t⁷a³ts⁷e⁴
 xi³ tsin²-le⁴ cjoa⁴qui²xi⁴, jme¹-ni³ nca³ coai⁴cao⁴-
 si¹ni³na¹ Ni³na¹. Ña³qui³ c⁷en³ jo³ cjoan³ yao³-le⁴,
 to⁴nca³ qui³ni²c⁷e¹jna³con³ jo³ cjoan³ espíritu-le⁴.
 19 Cao⁴ coi³ espíritu-le⁴ qui³ qui³nchja⁴ya³j³in³-le⁴
 je² espíritu xi³ tjio¹ cjoa⁴ñ⁷ain³, 20 xi³ nca³s⁷a⁴
 ts⁷a³ntjai²cjoa⁴ coan³. Ni³na¹ cao⁴ cjoa⁴tse³jta³
 qui³si³cjain¹-le⁴ je² cho⁴ta⁴ts⁷a³ntjai²cjoa⁴-ve⁴ c⁷ia⁴
 ni⁴chjin³ nca³ Noé ti¹v⁷e¹nta³ je² barco. Ja⁴ya³

barco-ve⁴ to⁴choa³ cho⁴ta⁴, to⁴j³in³ ma³-ni³, xi³ ji³tjo³ntjai²j³in³ na³nta¹. 21 Je² na³nta¹-ve⁴ nco³ya³-le⁴ je² xi³ nt⁷ai⁴-vi⁴ v⁷a³sje³ntjai²-na¹, xi³ coi³ cjoa⁴sa³te¹nta¹. Je² cjoa⁴sa³te¹nta¹ li²coi³ fa³a¹xin²-na¹ cjoa⁴ts⁷en⁴-le⁴ yao³-na¹. To⁴coi³ xi³ tso² nca³ nta³ cjoa⁴fa³ai³tsjen³ tjin¹-na¹ nqui³xcon⁴ Ni³na¹ to⁴t⁷a³ts⁷e⁴ nca³ ja³a²ya³-ni³le⁴ Cristo. 22 Qui³mi³ nc⁷a³jmi³ Cristo. Ti¹jna³t⁷a³ nca³ qui²xi⁴-le⁴ Ni³na¹. A²ncje⁴ cao⁴ nca³yi³je³ cjoa⁴te¹xo³ma³ cao⁴ nca³yi³je³ nca³n⁷ion¹ tjo¹nqui³-le⁴ nca³ je².

4

Nta³ si⁴chjen¹ cjoa⁴nta³-le⁴ Ni³na¹

1 Xi³ t⁷a³tsan⁴2 Cristo tsa³cja³a¹-ni³ cjoa⁴ñ⁷ain³ yao³-le⁴. Jon² c⁷oa⁴-ti⁴s⁷in² chjoao¹³ nca³n⁷ion¹ cao⁴ xi³ ti⁴je²-ni³ cjoa⁴fa³ai³tsjen³. Je² xi³ tsa³cja³a¹-ni³ cjoa⁴ñ⁷ain³ yao³-le⁴, li²coi³ ti⁴je¹ va³jnqui³-ni³, 2 jme¹-ni³ nca³ je² v⁷e²jna³-si¹ni³ jo³-s⁷in² nca³ me³-le⁴ Ni³na¹ je² ni⁴chjin³ nca³ ti¹jna³-sa³. Li²coi³ v⁷e²jna³j³in³ cjoa⁴chi⁴nca⁴-le⁴ cho⁴ta⁴son³nte³. 3 Je³coan³-ni³na¹ ni⁴chjin³ xi³ je³ja³a³to³ nca³ c⁷oa⁴qui³n⁷ian² jo³-s⁷in² coan³me³-le⁴ cho⁴ta⁴ xi³ li² judío-jin², c⁷ia⁴ nca³ tsa³nquin¹coa⁴2 yao³-na¹ nca³yi³je³ xi³ ch⁷ao³ tjin¹, cao⁴ cjoa⁴xin²ta³con², cao⁴ cjoa⁴ch⁷i⁴, cao⁴ cjoa⁴vi³chi³sjoe², cao⁴ cjoa⁴vi³chi³s⁷oia¹, nca³ tsa³ya³xcon¹ xco¹son² xi³ li²coi³ tjo³nte³-na¹. 4 Coi³ cjoa⁴ je³cji³ma³xcon¹-ni³le⁴ nca³ tsi² tsa² ma³nquin¹cao⁴3 xi³ ti⁴je²-ni³ cjoa⁴ xi³ li²coi³ ti⁴ma³nt⁷e¹-ni³, xi³ si¹qui³tson¹ya³. Tjo¹nchja⁴aon³-no³. 5 Je² cho⁴ta⁴ xo⁴cjoan³-ve⁴ tsjoa¹-le⁴ coi²nta⁴ je² xi³ ti¹jna³nta³ nca³

c⁷oe⁴²nta³jⁱⁿ³-ni³le⁴ xi³ tjio¹con³ cao⁴ xi³ tjio¹c⁷en³.
 6 Coi³ cjoa⁴ nca³ c⁷oa⁴-ti⁴ qui³no²cjoa⁴ya³jⁱⁿ³-le⁴
 xi³ tjio¹c⁷en³ je² en¹nta³ xi³ t⁷a³ts⁷e⁴ Cristo, jme¹-
 ni³ nca³ coa⁴tio⁴con³-si¹ni³ cao⁴ espíritu jo³-s⁷in²
 ti¹jna³con³ Ni³na¹, nta³ tsa² qui³s⁷e³nta³jⁱⁿ³-ni³le⁴
 jo³-s⁷in² s⁷e³nta³jⁱⁿ³-le⁴ cho⁴ta⁴son³⁷nte³ c⁷ia⁴ nca³
 tjio¹con³-ni³ yao³-le⁴. 7 To⁴nca³ ma³χhian³-le⁴
 nca³ cjoe⁴t⁷a³ nca³yi³je³ cjoa⁴. To⁴jvi³ to⁴i³nta³
 ti⁴yo³, t⁷e²ts⁷oa³ntsja²³. 8 Xi³ ti¹tjon²-le⁴ nca³yi³je³
 cjoa⁴, n⁷ion¹ ca²ta³ma³tsjoa³chao³ xi²nquo⁴³, nca⁴
 ncjin² cjoa⁴ts⁷en⁴ v⁷e¹⁷ma³t⁷ain³ cjoa⁴tjao²cha³-
 ve⁴. 9 T⁷ai²-lao⁴³ ⁷nte³ xi²nquo⁴³ nca³ si⁴²cja¹ya³.
 Tsjoa¹ c⁷oa⁴t⁷iaon⁴³. 10 Jo³-s⁷in² cjoa⁴nta³ tsa³c⁷ai²-
 le⁴, nca³ jnco¹jnco¹ ca²ta³si¹chjen¹ t⁷a³ts⁷e⁴ xi³
 cja⁴⁷ai¹. Ca²ta³si¹chjen¹ jo³-s⁷in² xi³ nta³ si¹chjen¹
 xi³ cja⁴⁷ai¹nca¹ cjoa⁴nta³-le⁴ Ni³na¹. 11 Tsa²jnco³ xi³
 nchja⁴, ca²ta³nchja⁴jo³tso²en¹-le⁴ Ni³na¹. Tsa²jnco³
 xi³ si¹xa¹cao⁴, ca²ta³si¹xa¹cao⁴ jo³ tjⁱⁿ¹ nca³n⁷ion¹
 xi³ tsjoa¹ Ni³na¹, jme¹-ni³ nca³ coi⁴tjo³je³ya³-
 si¹ni³ Ni³na¹ cao⁴ nca³yi³je³ cjoa⁴ xi³ to⁴t⁷a³ts⁷e⁴
 Jesucristo. Ts⁷e⁴ ni¹ cjoa⁴je³ya³ cao⁴ cjoa⁴te¹xo³ma³
 xi³ ni⁴c⁷ia³-jⁱⁿ² cjoe⁴t⁷a³. C⁷oa⁴ ca²ta³ma³.

Chja³⁷a² cjoa⁴ñ⁷ain³ nca³ cho⁴ta⁴-le⁴ Cristo nia¹

12 Jon² xi³ cjai¹nca³ tsjoa³que⁴-no³, li² ma³xcon¹-
 jⁱⁿ²lao⁴³ xi³ fa³⁷ai³ne²-no³, jo³-ni³ tsa² jnco³
 cjoa⁴xcon¹ xi³ co³t⁷a³-ni³no³ cao⁴ l⁷i¹. 13 Tsa²
 chja³⁷a²cao⁴³ cjoa⁴ñ⁷ain³ Cristo, to⁴sa³ nta³
 ca²ta³ma³tsjoa³-no³, jme¹-ni³ nca³ c⁷oa⁴-s⁷in²
 cjai¹nca³ tsjoa³ coan⁴-si¹ni³no³ c⁷ia⁴ nca³ coan⁴tsen³

cjoa⁴je³ya³-le⁴ Cristo. 14 Tsa² no²cjoa⁴aon³-no³ xi³ t⁷a³ts⁷e⁴ jan³ain¹-le⁴ Cristo, jo¹ to⁴nta³-no³. Je² cjoa⁴je³ya³-le⁴ c⁷oa⁴ je² Espíritu xi³ ts⁷e⁴ Ni³na¹ tjio¹cao⁴-no³. Cjoa⁴qui²xi⁴ ni¹ je² cho⁴ta⁴nchja⁴aon³-le⁴ Cristo, to⁴nca³ jo³ n⁷iaon²³ nca³ jon² tjo¹sje³je³ya³-ni¹. 15 C⁷oa⁴-s⁷in² ni⁴jnc³-jin² xi³ jon² cjoa⁴a² cjoa⁴ñ⁷ain³ jo³-ni³ tsa² xi³ c⁷en³ qui³tjen⁴-le⁴, xi³ che¹, xi³ ch⁷ao³ s⁷in¹, a³xo⁴ xi³ ca³ni¹jin³ yao³-le⁴ xi³ tsi² tsa² je² v⁷a³cao⁴-le⁴. 16 To⁴nca³ tsa² jnc³ xi³ fa³a¹ cjoa⁴ñ⁷ain³ nca³ cho⁴ta⁴-le⁴ Cristo, a³li² ma³soa³-jin²le⁴. To⁴sa³ nqui²sa⁴ ca²ta³v⁷a³sje³je³ya³ Ni³na¹ nca³ y⁷a³ jan³ain¹-le⁴. 17 Je³ji³cho² ni⁴chjin³ nca³ c⁷oe⁴²ts⁷ia⁴cao⁴ nca³ s⁷e⁴nta³jjin³-le⁴ cho⁴ta⁴-le⁴ Ni³na¹. Tsa² ti¹tjon² c⁷oe⁴²ts⁷ia⁴cao⁴-na¹ nca³ ña¹, jo¹-s⁷in² cjoe⁴t⁷a³-le⁴ xi³ tsi² tsa² si¹tjo³son²-le⁴ je² en¹nta³-le⁴ Ni³na¹. 18 Tsa² ñ⁷ain³ vi³tjo³ntjai² je² xi³ qui²xi⁴ v⁷e¹ma³, jo¹-s⁷in² coi⁴tjo³ je² xi³ tsi² ma³cjain¹-le⁴ cao⁴ xi³ cho⁴ta⁴je¹. 19 Coi³ cjoa⁴ je² xi³ fa³a¹ cjoa⁴ñ⁷ain³ jo³ qui³tso² Ni³na¹, nta³ ca²ta³s⁷in¹, ca²ta³tsjoa¹t⁷a³-le⁴ ni⁴ma⁴-le⁴ Ni³na¹ xi³ nta³ qui³si³nta³ nca³yi³je³.

5

Je² cho⁴ta⁴jchi¹nca³ ca²ta³si¹coi²nta⁴ je² cho⁴ta⁴-le⁴ Cristo

1 V⁷e³ts⁷oa²³-le⁴ nca³ts⁷i³ cho⁴ta⁴jchi¹nca³ xi³ tjio¹jin³-no³, c⁷oa⁴-ti⁴ an³ cho⁴ta⁴jchi¹nca³ nia¹³ cao⁴ je². An³ tsa³ve³ cjoa⁴ñ⁷ain³ xi³ qui³s⁷e³-le⁴ Cristo, c⁷oa⁴-ti⁴ an³ s⁷e³-na³ cjoa⁴je³ya³ xi³ coan⁴tsen³. 2 Ti⁴coi²ntao⁴³ je² cho⁴ta⁴-le⁴ Ni³na¹ xi³

tjio¹j³-no³. A³li² cao⁴ cjoa⁴n⁷ion¹-j²ni²coi²ntao⁴³, to⁴cao⁴ cjoa⁴nta³-no³ c⁷oa⁴s⁷iaon⁴³. A³li² t⁷a³ts⁷e⁴ xi³ coi⁴njen⁴-no³ xi³ ch⁷ao³ tj¹in¹, to⁴cao⁴² cjoa⁴tsjoa³ c⁷oa⁴s⁷iaon⁴³. 3 A³li² tsa² n⁷ion¹-j²v⁷e²ne²-lao⁴³ cho⁴ta⁴ xi³ v⁷a³cao⁴-no³, to⁴nca³ tja³ntia⁴²-lao⁴³ cho⁴ta⁴-le⁴ Ni³na¹. 4 C⁷ia⁴ nca³ coan⁴tsen³ je² Pastorti¹tj²on² xi³ si¹coi²nta⁴, jon² xi³ tjoe¹-no³ je² corona xi³ tsi² fi³tson³, xi³ ts⁷e⁴ cjoa⁴je³ya³. 5 C⁷oa⁴-ti⁴ jon² xi³ na³nqui³ ti³yo³, ti⁴tjo³son²-lao⁴³ cho⁴ta⁴jchi¹nca³. Ca²ta³ma³ i³nta³j³in³-ta³con²lao⁴³ xi²nquo⁴³ nca³ts⁷io³, ca²ta³fa³⁷a³jen³-no³, nca⁴ Ni³na¹ v⁷e²jna³ta²ja³-le⁴ xi³ nc⁷a³con³. Tsjoa¹-le⁴ cjoa⁴nta³ je² xi³ i³nta³j³in³-ta³con². 6 So³ma⁴t⁷a³nqui³-lao⁴³ ntsja³ Ni³na¹ xi³ tj¹in¹-le⁴ nca³n⁷ion¹, jme¹-ni³ nca³ je² si⁴²quin³nc⁷a³-si¹ni³no³ c⁷ia⁴ nca³ coi⁴cho³ ni⁴čhjin³-ve⁴. 7 Je² ti⁴c⁷a³mio³ nca³yi³je³ cjoa⁴ni²cja¹j³in³-no³, nca⁴ je² ti¹si¹coi²nta⁴-no³. 8 To⁴jvi³ to⁴⁷i³nta³ ti⁴yo³, ti⁴yo³chon³⁷ntao³, nca⁴ je² co²ntran⁴-no³, je² nai⁴², jo³-ni³ tsa² xa³ xi³ ti¹va³te¹, ti¹si¹c⁷o¹tji³ntai³-no³, ti¹va¹sjai³ ʔya³ xi³ squi⁴ne⁴. 9 N⁷ion¹ ti⁴yo³ta²ja³-lao⁴³ je² nai⁴². N⁷ion¹ ti⁴yo³-lao⁴³ xi³ ma³cjain¹-no³, nca⁴ je³⁷yao³ nca³ ti⁴je²-ni³ cjoa⁴ñ⁷ain³ c⁷oa⁴-s⁷in² vi³tjo³son² cao⁴ nca³ts⁷i³nts⁷ao³ xi³ tjio¹ i⁴ son³⁷nte³. 10 To⁴nca³ Ni³na¹ xi³ tj¹in¹yi³je³-le⁴ cjoa⁴nta³, xi³ qui³nchja⁴-na¹ xi³ to⁴t⁷a³ts⁷e⁴ Jesucristo, nca³ s⁷e⁴-na¹ cjoa⁴je³ya³-le⁴ xi³ ti¹jna³ nca³ntsjai². C⁷ia⁴ nca³ je³qui³chja³⁷a² jnco³tjo²³ cjoa⁴ñ⁷ain³, coan⁴scan³-ni³ je² soa³ Ni³na¹ si⁴²nta³ya³-no³, si⁴²c⁷e¹jna³nta³-no³, tsjoa¹-no³ nca³n⁷ion¹, nta³ si⁴²c⁷e¹yo³-no³. 11 Je² ca²ta³s⁷e³-le⁴ cjoa⁴je³ya³ cao⁴ cjoa⁴te¹xo³ma³ nca³ntsjai². C⁷oa⁴

ca²ta³ma³.

Cjoa⁴ni²ti²⁷nta³xi³fe³t⁷a³

¹² Tsen³ ma³-na³ nca³ n⁷ion¹ t⁷a³con³ nts²e³
Silvano, je² xi³ qui³squi³ xi³ t⁷a³ts⁷an⁴, nca³
an³ qui³sca³ni³ i⁴tse¹-no³ en¹. Ti²v⁷e³ne²³-no³,
ti²si³qui²xi⁴ya³-no³ nca³ ña³qui³ cjoa⁴nta³-le⁴ Ni³na¹
je²-vi⁴ xi³ ti³yo³jin³-lao⁴³. ¹³ Si¹ti²⁷nta³-no³ je²
cho⁴ta⁴-le⁴ Cristo xi³ tjio¹ ya⁴ Babilonia, xi³ to⁴jnco³
qui³tjoe¹jin³ cao⁴ jon². Si¹ti²⁷nta³-no³ Marcos,
⁷nti¹-na⁴. ¹⁴ Ti⁴ti²⁷ntao³ xi²nquio⁴³, t⁷e²t⁷a³ts⁷oao²³
xi²nquio⁴³, nca³ c⁷oa⁴-s⁷in² tsjoa³chao³ xi²nquio⁴³.
Ca²ta³njen³nch⁷an¹jin³ ni⁴ma⁴-no³ nca³ts⁷io³ xi³
ti³yo³cao⁴³ Jesucristo. C⁷oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

69c7ee6e-d3c3-563f-a672-6ad58122d8ed